



## **CIRCULAR 64-2022**

### **CAMPIONATO XUNTA DE GALICIA TRAIL RUNNING SUBESPECIALIDADE CARREIRAS DE MONTAÑA**

- A todas as delegacións da FGA.
- A todos/as os/as asembleístas
- A todos os clubs galegos con licenza vixente
- A todos/as os/as adestradores/as con licenza vixente
- A todos/as os/as xuíces/zas galegos/as con licenza vixente

**Art.1)** A F.G.A e o Concello de Esgos organizan o Campionato Xunta de Galicia Trail Running Subespecialidade Carreiras de Montaña Absoluto, Sub20, Sub23 e Máster que terá lugar o domingo día 12 de Xuño do 2022 na localidade de Esgos.

**Art.2)** No Campionato de Galicia poderán intervir todos/as aqueles/as atletas das citadas categorías que teñan licenza pola FGA na presente tempada 2022.

**Art.3)** As inscricións realizaranse a través do sistema online na web da RFEA ([hhttps://isis.rfea.es/sirfea2/](https://isis.rfea.es/sirfea2/)) ata as 20:00 horas do luns 6 de xuño do 2022.

**Art.4)** Os/as tres primeiros/as atletas clasificados de cada unha das categorías recibirán unha medalla conmemorativa do campionato, sendo de obrigado cumprimento acudir ao protocolo de premiacións. En caso contrario, non se fará entrega da medalla.

**Art.5)** Os/as atletas deberán utilizar o dorsal outorgado pola organización de forma totalmente visible por diante, en toda a súa superficie. O incumprimento desta norma poderá ser motivo da descualificación. Será responsabilidade dos/as atletas levar consigo imperdibles ou calquera outro sistema de colocación. A organización non facilitará imperdibles.

**Art.6)** A saída está prevista para as 11:00 horas diante da Casa do Concello de Esgos. A carreira discorrerá por un percorrido de 13 quilómetros aproximadamente.

**Art.7)** Os atletas participantes no Campionato, deberán pasar por cámara de chamadas ata 15 minutos antes da saída da súa proba. Unha vez rematado este prazo, non se admitirá a participación do atleta agás casos debidamente xustificadas.


**Art.8)** Haberá postos de avituallamento para os participantes:

<b>Lugar</b>	<b>Km</b>	<b>Peche</b>	<b>Observacións</b>
Esgos - (Saída)	0		
Mosteiro de San Pedro de Rocas	3,300	11:45h	Avituallamento líquido
Mosteiro de San Pedro de Rocas	3,350		
Arcos	5,900	12:30h	Avituallamento líquido
Virxe do Monte	9,300	13:15h	Avituallamento líquido
Virxe do Monte	9,300		
O Eirado - (Meta)	13,100	14:00h	Avituallamento líquido, sólido e quente

### Desnivel:



### Percorrido:



**Art.9).-** A responsabilidade das inscricións dos atletas, salvo que sexan independentes, corresponderá ao seu club. Aplicaranse as seguintes penalizacións polo incumprimento da normativa de inscricións:

- Nas 24 horas previas e no propio campionato calquera baixa ou a non participación final no Campionato terá unha sanción de 5 euros por proba, salvo causa xustificada e comunicada previamente por escrito á FGA [competicion@atletismo.gal](mailto:competicion@atletismo.gal)
- Os posibles cargos derivados do incumprimento na comunicación das posibles baixas, seguirán as consideracións establecidas na normativa técnica da FGA para a tempada 2022.
- Non acreditar a veracidade nas inscricións enviadas á F.G.A. (6 euros por atleta con datos falsos).
- Se non realiza a inscrición no prazo estipulado, deberá aboar 3 euros de recargo. A aceptación do participante por inscribirse fóra de prazo será competencia do director técnico, en función das características da proba onde se desexe inscribir o/a atleta, podendo ser esta denegada.

**Art.10).-** Todos/as os/as participantes deberán cumprir o protocolo COVID-19 establecido pola FGA, así coma as indicacións do Responsable COVID-19.



**CIRCULAR**

Complexo Deportivo de Elviña, Avenida de Glasgow, 13  
15008 A Coruña. - T. +34 981 291 683 - federacion@atletismo.gal  
atletismo.gal - carreirasgalegas.com

**Art.11).**- Todo o non disposto no presente regulamento resolverase, por esta orde, de acordo as normas da F.G.A., R.F.E.A. e W.A.

A Coruña, a 25 de maio de 2022

Carlos Castro Vicente  
**Secretario Xeral da Federación Galega de Atletismo**